

A NOSA ARTE

Colección do Parlamento de Galicia

LUGO
SEDE AFUNDACIÓN
PRAZA MAIOR, 16

DO 9 DE NOVEMBRO DE 2023
AO 27 DE XANEIRO DE 2024

A NOSA ARTE

Colección do Parlamento de Galicia

ORGANIZACIÓN

Parlamento de Galicia

Xunta de Galicia

Afundación. Obra Social ABANCA

COLABORACIÓN

Real Academia Galega de Belas Artes

COMISARIADO

M^a. Victoria Carballo-Calero

Felipe-Senén López Gómez

Xosé Carlos Valle Pérez

COORDINACIÓN DA EXPOSICIÓN

Parlamento de Galicia

Dirección Xeral de Cultura – Xunta de Galicia

DESEÑO E MUSEOGRAFÍA

Comisariado

Ática Servizos Culturais

DOCUMENTACIÓN

Arquivo Parlamento de Galicia

DESEÑO GRÁFICO GLOBAL

Starplanning

TRANSPORTE E MONTAXE

Ab Origine

Agradecemento expreso ás artistas e aos artistas, así como ás súas familias e herdeiros legais, pola súa contribución á colección de arte do Parlamento de Galicia, e a colaboración desinteresada neste proxecto expositivo.

A NOSA ARTE

Colección do Parlamento de Galicia

A IMPORTANCIA DE DEMOCRATIZAR A ARTE

A gran pedra de toque do modelo democrático, hoxe vixente en toda a sociedade occidental, é a expresión da liberdade popular a través da pluralidade de pensamento e da participación civil nos procesos públicos. É dicir: permitir que todo cidadán poida ser participe do futuro colectivo e da protección do sistema a través do sufraxio universal.

A principal manifestación desta expresión de vontade popular é a constitución do Parlamento, que se erixe como o depositario de opinións de todo signo e, por extensión, no mosaico que reflicte a voz de toda a cidadanía. O Parlamento é a máxima casa do pobo, o lugar onde teñen amparo todas as sensibilidades que emanan do seo da sociedade, que contribúen a fortalecer as propias estruturas da nosa identidade.

En Galicia, o noso Parlamento leva máis de corenta anos exercendo de xeito exemplar a súa función de sede do poder lexislativo e asemblea primeira da legalidade galega. Como expoñente da representatividade electoral autonómica, o edificio da santiaguesa rúa do Hórreo concita todo aquilo que garante a boa saúde da liberdade pública de Galicia, así como o exercicio dos nosos principios e valores.

Esta natureza civil obriga a renunciar a toda clausura e asegurar que todo cidadán entenda, comprenda e descubra canto ten lugar no Parlamento de Galicia. Tanto para asegurar a transparencia institucional como para coñecer un dos piares da identidade democrática do noso territorio.

A exposición itinerante A NOSA ARTE permitirá que todos os galegos e galegas poidan descubrir de primeira man un dos aspectos máis descoñecidos do Parlamento como é a súa colección de arte. Ao longo dun amplo percorrido, que a transportará polas principais cidades e vilas de toda a xeografía galega, esta mostra exhibirá pezas particularmente significativas da arte contemporánea de Galicia. Unha retrospectiva selecta para dar conta da importancia que este tipo de práctica ten como expresión da pertenza a Galicia.

En definitiva, esta mostra constitúe un espello dobre para toda a cidadanía galega: atopará un reflexo da súa identidade, que cobra forma de artefacto artístico, pero tamén de proximidade institucional. O propósito é democratizar a arte e achegala a toda a cidadanía, seguindo o espírito aperturista e integrador que leva consigo o propio Parlamento. Creo que esta é unha oportunidade única para que todo visitante poida mergullarse nunha das máis prolíficas coleccións de arte contemporánea de Galicia e coñecer o traballo dos máis talentosos artistas galegos.

A cultura, representada aquí nas distintas manifestacións artísticas, é un dereito elemental do acervo democrático, e tanto o Parlamento como a Xunta de Galicia deben asegurarse de que o seu acceso e desfrute é universal.

Esta mostra estende as colaboracións nesta materia, iniciada con iniciativas previas como "Coñece as túas institucións", e subliña a importancia de que todo cidadán se sume á celebración conxunta dos seus propios valores comúns. Confío en que a mostra alcance un gran público, e que todos e todas os que a visiten poidan desfrutar de algo tan fundamental para o noso día a día como é o libre acceso á cultura e a defensa dos nosos principios democráticos.

Alfonso Rueda Valenzuela

Presidente da Xunta de Galicia

UNHA COLECCIÓN PARA COMPARTIR

Dixo Castelao en Alba de Gloria que os escultores Moure e Ferreiro, xunto cos arquitectos Andrade e Casas e Novoa, «ceibaron de cadeas a nosa oprimida orixinalidade», pero non é menos certo que a eclosión creativa rexistrada en Galicia no último século semella ter configurado un auténtico rexurdimento artístico que resiste perfectamente calquera comparación con outras latitudes.

Constituído en decembro de 1981, o Parlamento de Galicia, a primeira das institucións que configuran o sistema autonómico galego, dotou a Comunidade Autónoma dun corpus xurídico propio do que derivan as maiores cotas de estabilidade e benestar de toda a historia desta vella Gallaecia.

Ao tempo, paseniñamente, o poder lexislativo foi configurando unha variada e valiosa colección de arte contemporánea na que están representadas a práctica totalidade das correntes e artistas galegos máis significativos das últimas décadas.

Con todo, sexa polo que for, tanto o Parlamento en si, como a colección de arte que este atesoura, continúan a ser descoñecidos para boa parte das galegas e galegos.

Para superar esta eiva xorde esta exposición itinerante, A NOSA ARTE, organizada coa colaboración da Xunta de Galicia, de Afundación e da Real Academia Galega de Belas Artes da Nosa Señora do Rosario, que amosará en diferentes cidades unha escolma do fondo artístico do Parlamento de Galicia, unha colección que é patrimonio de todos e que con todos queremos compartir.

É unha modesta homenaxe ao talento dos nosos artistas, mais tamén un xeito de achegar o Parlamento de Galicia á nosa xente, a principal razón de ser das institucións galegas de autogoberno.

Miguel Ángel Santalices Vieira
Presidente do Parlamento de Galicia

A MANIFESTACIÓN CREATIVA DUNHA CULTURA

A arte, nas súas múltiples expresións, desempeña un papel fundamental no proceso da formación humana, na reconciliación da singularidade individual coa unidade social. Asemade, unha colección de arte é, na súa esencia, a manifestación creativa dunha cultura e constitúe en si mesma un sistema de coñecemento que explica o comportamento, os valores e a identidade dunha sociedade.

Existe unha relación directa entre expresión artística e identidade cultural. A primeira propón códigos estéticos e éticos, cuxa lectura é descodificada e comprendida polos seres humanos que conforman un grupo social xerando en consecuencia as ideas de afinidade, filiación e identificación que definen unha cultura. Neste senso, o proxecto expositivo A NOSA ARTE, presentado nesta publicación, constitúe un valioso paradigma da identidade cultural e social de Galicia porque pon á disposición do público a colección de arte do Parlamento galego. A través dela suxire un percorrido pola creación artística das últimas décadas en Galicia, mostrando a totalidade das correntes plásticas do período que abarca e unha selección dos seus artistas máis significativos.

Afundación, Obra Social ABANCA, colabora co Parlamento de Galicia aollendo nos seus espazos este proxecto expositivo sobre a súa colección de arte, facilitando o seu obxectivo de abrir á sociedade a colección que atesoura e que era, ata hoxe, descoñecida para a cidadanía. O proxecto está perfectamente aliñado coa nosa misión transformadora que pretende o desenvolvemento integral da sociedade galega, dentro e fóra de Galicia, mediante unha acción educativa, social e cultural que fomenta o coñecemento a través da cultura nas súas múltiples manifestacións. A colaboración institucional desta exposición esténdese á Xunta de Galicia e á Real Academia Galega de Belas Artes da Nosa Señora do Rosario, catro entidades que suman recursos e vontades para achegar a Galicia un proxecto que suma patrimonio artístico e identidade cultural.

A NOSA ARTE supón a expresión dunha cultura, pero é, á vez, unha forma profunda de deleite, o motor dos nosos soños e un catalizador das nosas emocións, porque, como expresa Friedrich Nietzsche, «debemos vivir a arte para non morrer de realidade».

Miguel Ángel Escotet
Presidente de Afundación

DIÁLOGO COA HISTORIA E COA CULTURA

A Academia Galega de Belas Artes, neste 2022, recibiu da Presidencia do Parlamento de Galicia o encargo de facer unha selección da obra pictórica dos seus fondos, a fin dunha itinerancia expositiva por varias cidades de Galicia. E velaí unha encomenda, entre outras asesorías solicitadas, que conxuga e pon a proba a madurez democrática de dúas institucións caracterizadas por canto envolve o humanismo: esa actitude que integra e espalla os valores humanos de igualdade, liberdade, xustiza, imparcialidade...

O Parlamento de Galicia foi instituído dende as primeiras eleccións autonómicas, no 1981, e a partir da elaboración do Estatuto de autonomía. Lembramos aquel histórico primeiro encontro no emblemático Salón do Palacio de Xelmírez, un frío día 19 de decembro daquel ano. Foron anos de creación de infraestruturas coa dignidade que merecía un vello anhelado. Así é que no ano 1989 o Parlamento pasa a ter sede nun rehabilitado Pazo do Hórreo.

Dende o primeiro momento, aqueles espazos foron recibindo doazóns e depósitos de obra de creadores e creadoras de Galicia, e mesmo se entendeu que naquel ámbito de palabra, de parlamento e de acordos debiera crearse outro diálogo coa historia e a cultura, o que debiera facerse a través dese outro xeito de expresión que é a Arte.

Tras este encargo, a Academia Galega de Belas Artes determinou unha comisión formada polos académicos María Victoria Carballo-Calero, Felipe-Senén López Gómez e Carlos Valle, especialistas non soamente na arte galega, senón en museoloxía, a fin de realizar unha selección con base ao que existe entre os fondos, partindo de criterios de calidade en canto implica a forma, as técnicas, o fondo, a significación de cada obra e do seu autor ou autora non só no seu tempo, senón mesmo na actualidade.

Deste xeito, Parlamento e Academia non soamente manteñen o fin de dar a coñecer o estado das obras pictóricas do Parlamento, senón mesmo no xeito de facer camiño, en canto implica un proceso interdisciplinar, contando con institucións democráticas para que materialicen os seus fins. Misión feita dende un prisma humanista, con canto isto implica e do que nace e madura a palabra e as artes, isto é o que significa un Parlamento e unha Academia.

Manuel Quintana Martelo

Presidente da Real Academia Galega de Belas Artes

UNHA MOSTRA ABERTA

Partimos dunha selección de fondos propiedade do Parlamento de Galicia, que agora desexa mostrar publicamente nas cidades de Galicia. Non se exhiben todos os fondos nin se trata dunha mostra xeral sobre unha época, a contemporaneidade, mais si se pretende que as obras expostas, seleccionadas con base en criterios de calidade e expositivos, tamén xeográficos, permitan xerar un argumentario que, amais de matizar moitos dos tópicos que se seguen a manter, posibiliten unha mirada nova e fecunda sobre esas obras, eses anos e os artistas representados.

Agardamos que o visitante axude a completar cos seus coñecementos o argumento, verifique o acerto ou desacerto coas obras seleccionadas e, como non, polemice, se o considera oportuno, nun debate construtivo. A exposición concíbese como unha mostra aberta aventurando unha hipótese sustentada na calidade dunhas obras consideradas en si mesmas e adquiridas, ou cedidas polos seus titulares, desde o principio da institución parlamentaria, que tenta ofrecer unha panorámica da situación da arte contemporánea en Galicia nunha etapa tan sinalada.

O obxectivo desexado sería que, unha vez finalizado o período de exhibición, puidésemos entre todos atopar uns eixos ou fíos de comunicación que permitisen articular esa Colección tan ansiada, grazas ao labor de adquisicións levado a cabo meritoriamente polo Parlamento durante tantos anos e tamén á xenerosidade dos artistas, facéndoa accesible á colectividade.

Esta perspectiva tende a ser, obviamente, un traballo de aproximación e de síntese caracterizado polo fragmentario, coas súas evidentes lagoas, a ausencia de nomes propios ou friccións interpretativas.

Os últimos 40 anos foron, dende o noso punto de vista, décadas de intensos movementos, de acción e reacción, de avances e de retrocesos.

Na década dos 80 partíase dunha situación de precariedade nas infraestruturas culturais públicas, que se remediaba con modelos de autoxestión no organizativo -en moitos casos de carácter colectivo- e coa utilización de espazos que non estaban deseñados, na maior parte dos casos, para as necesidades específicas que se desenvolvían neles. No ámbito institucional estaba todo por facer. As exposicións realizábanse nas Casas de Cultura, en edificios históricos ou nos que mantiñan as obras sociais das Caixas, no mellor dos casos.

Será a comezos dos anos 90 cando se remedie esta situación coa creación, por parte de diferentes administracións, de contedores culturais, como o Auditorio de Galicia, a finais de 1989, o Centro Galego de Arte

Contemporánea, en 1993, o Centro Torrente Ballester, tamén en 1993, o Museo de Belas Artes da Coruña, en 1995, o Museo da Arte Contemporánea de Vigo, xa en 2002, ou o novo edificio do Museo de Pontevedra, hoxe Edificio Castelao, en 2013, por citarmos algúns.

Se as estruturas públicas se modernizaban nos anos 90, tamén o fixeron as privadas, ao tempo que se creaban fundacións vinculadas ao patrimonio artístico cedido polos seus autores ou familias.

Premios, bolsas de formación públicas e privadas ou diferentes certames que foron aparecendo e desaparecendo, permitían dispor de recursos que, aínda con frecuencia escasos, posibilitaban aos artistas continuar a súa formación no estranxeiro. Unha formación que mellorara en Galicia coa creación, por un lado, da especialidade de Historia da Arte dentro da Facultade de Xeografía e Historia da Universidade de Santiago de Compostela e, por outro, da Facultade de Belas Artes da Universidade de Vigo, durante os anos 90, das que xurdiron artistas, críticos, comisarios, xestores ou directores de centros de arte, que contan cun amplo recoñecemento.

Finalmente, o coleccionismo privado tamén ten mudado considerablemente, pasando de adquirir obras para decorar casas ou despachos profesionais, ata conformar verdadeiras coleccións.

É neste contexto e neste longo período de tempo en que xorde a Colección do Parlamento de Galicia, composta por máis de trescentas obras, e que agora decidiu expoñer fóra do Pazo do Hórreo nun programa de exposicións itinerantes co título de A NOSA ARTE.

Evidentemente, neste proxecto faltan obras de autores moi significativos, mais co tempo probablemente estas lagoas se irán cubrindo para acadar un conxunto. A este obxectivo, sen dúbida, contribuirá o asesoramento da Real Academia de Belas Artes de Galicia, afianzando a aposta cultural da primeira institución da Comunidade.

M^a Victoria Carballo-Calero

Felipe-Senén López Gómez

Xosé Carlos Valle Pérez

Comisariado da exposición

A NOSA ARTE

Colección do Parlamento de Galicia

LUGO

**DO 9 DE NOVENBRO DE 2023
AO 27 DE XANEIRO DE 2024**



**ALFONSO PEDRO
ABELEÑA ESCUDERO
"ALFONSO ABELEÑA"**

A Coruña

Medidas: 96x129 cm

1993

Óleo/lenzo



**BERTA ÁLVAREZ CÁCCAMO
"BERTA CÁCCAMO"**

Sen título

Medidas: 160x195 cm

1999

Acrílico/lenzo



MANUEL COLMEIRO GUIMARÃS

Feira

Medidas: 54x65 cm

1980

Óleo/lenzo



ALFONSO COSTA BEIRO

Zapato roxo

Medidas: 145x91 cm

1986

Óleo/lenzo



FELIPE CRIADO MARTÍN

Envolve para un ritmo praxitélico

Medidas: 204x100 cm

Sen datar

Mixta/táboa



VIRXILIO FERNÁNDEZ CAÑEDO

Vendimia de Monterrei

Medidas: 100x100 cm

Década 1980


Acrílico sobre tabla

JOSÉ MARÍA ISIDRO FRAU Y RUÍZ
"JOSÉ FRAU"

Bodegón de flores
Medidas: 113x110 cm

Sen datar

Óleo/lenzo





XULIO GARCÍA RIVAS

Paisaxe 7.10

Medidas: 160x300 cm

2012

Acrílico/ lenzo



ROBERTO GONZÁLEZ DEL BLANCO

O carro

Medidas: 190x190 cm

1934-1935

Óleo/lenzo

**ALEJANDRO GONZÁLEZ
CRUZ "ALEXANDRO"**

Serie: Retratos anónimos
Medidas: 150x150 cm
2013
Mixta/tea



ROBERTO GONZÁLEZ FERNÁNDEZ

Blindfolded Archer I P.A. II/V
Medidas: 30x49 cm
1994
Gravado



CONSTANTINO GRANDÍO LÓPEZ

Rúa

Medidas: 61x50 cm

1972

Óleo/lenzo



CONSTANTINO GRANDÍO LÓPEZ

Pintura abstracta

Medidas: 60x49 cm

1959

Óleo/lenzo

ANTONIO LAGO RIVERA

Desnudos en el Pardo

Medidas: 80x72 cm

1961

Óleo/lenzo



ANTONIO MANUEL LAMAZARES SILVA

“ANTÓN LAMAZARES”

Domus Omnia Maceira XXIII

Medidas: 117x89 cm

2008

Mixta: Mixta/cartón




FRANCISCO LLORENS DÍAZ

Escea de xénero

Medidas: 30x45 cm

Sen datar

Óleo/lenzo



JOSÉ TELMO LODEIRO FERNÁNDEZ

“LODEIRO”

Galaxia

Medidas: 150x162 cm

1975

Óleo/lenzo

JUAN LUIS LÓPEZ GARCÍA

Mañana de domingo

Medidas: 116x81 cm

Sen datar

Óleo/lenzo



JOSÉ LÓPEZ GUNTÍN

Festa na aldea

Medidas: 100x80 cm

Sen datar

Óleo/lenzo





CARLOS MASIDE GARCÍA

Calles de Vigo

Medidas: 65x45 cm

Sen datar

Óleo/lenzo



VÍCTOR MEJUTO SEOANE

El lavatorio de Tintoretto

Medidas: 150x400 cm

2017

Mixta e acrílico sobre loneta




JOSÉ OTERO ABELEDO
"LAXEIRO"

Figuras
 Medidas: 41x33 cm
 1966
 Óleo/tablex



JESÚS OTERO-YGLESIAS

Osamenta / Serie: Flandes. XXVII
Hombre de Flandes (D)
 Medidas: 130x250 cm
 1994
 Óleo/lenzo



XAVIER POUSA CARRERA

Castrelo de Miño
Medidas: 64x79 cm
1992
Óleo/lenzo



**JAIME QUESADA PORTO
"XAIME QUESSADA" E
ACISCLO MANZANO FREIRE**

Escultopintura
Medidas: 205x85 cm
1988
Mixta/lenzo




MANUEL QUINTANA MARTELO “QUINTANA MARTELO”

Conxunto de bosqueños de MARaVIÑAS

Medidas: apaisada) 27x54 / verticais) 30x21(3)

Datas: apaisada) 2013-2014 / esq.) 2012 / cent) 2013 / der.) 2011

apaisada) Acuarela, lápis/papel; esq. e der.) Lápis/papel; cent) Bolígrafo, lápis/papel




MANUEL RODRÍGUEZ MOLDES
“MANUEL MOLDES”

Electric - man- link - 01

Medidas: 195x114 cm

2001

Óleo/lenzo



CARMEN RODRÍGUEZ DE LEGÍSIMA

Flores

Medidas: 98x80 cm

1943

Óleo sobre lenzo

MERCEDES RUIBAL ARGIBAY

Medea

Medidas: 67x54 cm

1984

Óleo/lenzo




LUIS SEOANE LÓPEZ

Mujer con corsé
Medidas: 98x67 cm
1957
Mixta/papel




CARLOS SOBRINO BUHIGAS

No peirao
Medidas: 98x151 cm
1940
Óleo/lenzo



ARTURO SOUTO FEIJOO

Catro figuras
Medidas: 60x50 cm
Sen datar
Gouache/papel



ALFONSO SUCASAS GUERRA

Tríptico das follas (D)
Medidas: 150x94x3 cm
Sen datar
Óleo/lenzo



Colabora:

